

# 第七一冊目次

|                 |              |     |
|-----------------|--------------|-----|
| 四分律藏六十卷(三)      | 姚秦佛陀耶舍共竺佛念等譯 | 一   |
| 波羅提木叉僧祇戒本一卷     | 東晉佛陀跋羅譯      | 九八  |
| 比丘尼僧祇律波羅提木叉戒經一卷 | 東晉法顯共覺賢譯     | 一一五 |
| 十誦律比丘戒本一卷       | 姚秦鳩摩羅什譯      | 一三四 |
| 十誦律比丘尼戒本一卷      | 宋法顯集出        | 一五四 |
| 根本說一切有部戒經一卷     | 唐義淨譯         | 一七六 |
| 根本說一切有部苾芻尼戒經一卷  | 唐義淨譯         | 一九六 |
| 五分戒本一卷          | 劉宋佛陀什等譯      | 二二一 |
| 五分布丘尼戒本一卷       | 梁明徹集         | 二三五 |
| 四分布丘戒本一卷        | 唐懷素依律集出      | 二五七 |
| 四分戒本一卷          | 姚秦佛陀耶舍譯      | 二七六 |
| 解脫戒本經一卷         | 元魏瞿曇般若流支譯    | 二九四 |
| 四分布丘尼戒本一卷       | 唐懷素依律集出      | 三一  |
| 沙彌十戒法并威儀一卷      | 失譯           | 三三四 |
| 沙彌威儀一卷          | 劉宋求那跋摩譯      | 三五〇 |
| 沙彌尼戒文一卷         | 失譯           | 三五六 |

|               |          |     |
|---------------|----------|-----|
| 沙彌尼戒經一卷       | 失譯       | 三六〇 |
| 舍利弗問經一卷       | 失譯       | 三六三 |
| 根本說一切有部百一羯磨十卷 | 唐義淨譯     | 三七二 |
| 大沙門百一羯磨法一卷    | 失譯       | 四八七 |
| 十誦羯磨比丘要用一卷    | 劉宋僧瓊依律撰出 | 五〇四 |
| 彌沙塞羯磨本一卷      | 唐愛同錄     | 五二四 |
| 優波離問佛經一卷      | 劉宋求那跋摩譯  | 五五四 |
| 曇無德律部雜羯磨一卷    | 曹魏康僧鎧譯   | 五七二 |
| 羯磨一卷          | 曹魏曇諦集    | 五九九 |
| 四分比丘尼羯磨法一卷    | 劉宋求那跋摩譯  | 六三二 |

四分律藏卷第五十五

隨五

姚秦三藏佛陀耶舍共竺佛念譯

第四分調部毗尼五之初

尔時世尊在毗舍離時優波離即從座起偏露右肩右膝著地合掌白佛言須提那迦蘭陀子與故二行不淨行是犯波羅夷不佛語

◎

後正行

優波離最初未制戒不犯尔時婆闍子比丘愁憂不樂不樂淨行即還家與故二行不淨彼作是念世尊為諸比丘制戒若比丘犯不淨行行婬欲法得波羅夷不共住我愁憂不樂不樂淨行與故二行不淨我將無不犯波羅夷耶不知云何即語同伴比丘世尊為諸

比丘制戒若比丘犯不淨行行婬欲法得波羅夷不共住而我愁憂不樂不樂淨行還家與故二行不淨我將無不犯波羅夷耶善哉長老可為我白佛隨佛所教我當奉行我若復得於佛法中得修淨行者我當行之時彼比丘即往佛所頭面禮足却坐一面以此因

緣具白世尊世尊尔時以此因緣集比丘僧無數方便訶責婆闍子比丘言汝所為非非沙門法非淨行非隨順行所不應為云何癡人不樂淨行而還家與故二行不淨入便犯波羅夷不共住若有餘比丘愁憂不樂不樂淨行者聽捨戒而去若復欲於佛法修清淨

行者還聽出家受大戒尔時優波離從坐起偏袒右肩右膝著地合掌白世尊言是道作道想為犯不佛言波羅夷復問是道疑是犯不佛言波羅夷復問是道非道想是犯不佛言波羅夷復問非道道想是犯不佛言偷蘭遮復問非道疑是犯不佛言偷蘭遮復問是

男作女想行不淨是犯不佛言波羅夷復問是女作男想行不淨是犯不佛言波羅夷復問與此女人通作彼女人想共行不淨行是犯不佛言波羅夷於此男作彼男想共行不淨是犯不佛言波羅夷時有比丘與女象行不淨彼疑是犯波羅夷不佛言犯如是犍牛

馬駝鹿驢羊猪狗鴈鳥孔雀雞如是一切盡波羅夷。尔時世尊在毗舍離時有一乞食比丘在林間住有雌獼猴林間行此比丘出人間乞食持還林中食有餘食與此獼猴。獼猴遂便親近隨逐東西乃至手捉不去時比丘即共行不淨時衆多比丘案行房舍卧具次

隨五

二

至彼林中彼獼猴來在諸比丘前住舉尾現相彼諸比丘作如是念此雌獼猴今在我等前現相如是將無有餘比丘犯此獼猴耶即便隱在屏處伺之時乞食比丘持食還林中食已持與獼猴。獼猴食已共行不淨彼諸比丘觀見即語言長老佛不制比丘不得行不淨耶。彼荅言佛制人女不制畜生時諸比丘往佛所頭面禮足却坐一面以此因緣具白世尊。世尊爾時以此因緣集比丘僧訶責彼乞食比丘言汝所爲非非威儀非沙門法非淨行非隨順行所不應爲云何乃與獼猴共行不淨入便波羅夷。癡人不應共住。尔時優

波離從坐起偏露右肩右膝著地合掌白世尊言大德若比丘與餘畜生行不淨是犯波羅夷。不佛言犯尔時世尊在王舍城有難提比丘坐禪得世俗心解脫從第四禪覺已時魔天女即在前立比丘捉欲犯魔女便出外比丘亦隨出外彼出屋欄外比丘亦隨出屋

欄外彼出中庭比丘亦隨出中庭彼出寺外比丘亦出寺外寺外有死驢馬彼於死馬所便滅天形不現時難提比丘便於死馬形行不淨行行不淨已都無有覆藏心即作是念世尊爲諸比丘制戒不得行不淨若行不淨波羅夷。不共住而我今行不淨都無有覆藏

隨五

三

心我將無犯波羅夷耶我當云何即語同伴比丘世尊爲諸比丘制戒若比丘行不淨得波羅夷。不共住而我今犯不淨都無覆藏心將無犯波羅夷耶善哉長老爲我白佛隨佛所教我當奉行時諸比丘往佛所頭面作禮却坐一面以此因緣具白世尊。世尊尔時以

此因緣集比丘僧告言今僧與難提比丘波羅夷戒白四羯磨如是與彼比丘應往僧中脫革屣偏露右肩右膝著地合掌作如是白大德僧聽我難提比丘犯婬法都無覆藏心今從僧乞波羅夷戒願僧慈愍故與我波羅夷戒如是第二第三說衆中應差堪能羯磨人如上作如是白大德僧聽此難提比丘犯婬法都無覆藏心今從僧乞波羅夷戒若僧時到僧忍聽僧今與難提比丘波羅夷戒白如是大德僧聽此難提比丘犯婬法都無覆藏心今從僧乞波羅夷戒僧今與難提比丘波羅夷戒誰諸長老忍僧與難提比丘波羅夷戒者默然誰不忍說是初羯磨第二第三如是說僧已與難提比丘波羅夷戒竟僧忍默然故如是持與波羅夷戒已應隨順行是中隨順行法者不應授人大戒及與人依止不應畜沙彌不應受教授比丘尼設差不應往教不應爲僧說戒不應在僧中問答毗尼

不應受僧差使作知事人不應受僧差別處平斷事不應受僧差使命不應卑入聚落暮還應親附比丘不應親附外道白衣應隨順比丘法不說餘俗語不應更犯此罪餘亦不應若相似若從此生若重於此者不應非羯磨非羯磨者不應受清淨比丘敷座洗足水水器拭革屣揩摩身及禮拜迎逆問訊不應受清淨比丘捉持衣鉢不應舉清淨比丘爲作憶念作自言不應助他語不應遮說戒自恣不應與清淨比丘諍與波羅夷戒比丘僧說戒及羯磨時來不來無犯諸比丘作如是語比丘與波羅夷戒已復重犯應得更與波羅夷戒不佛言不應尔應滅擯尔時有比丘體軟弱以男根口中彼疑我將無犯波羅夷耶佛言犯時有比丘字藍婆那男根長持內大便道中彼疑我將不犯波羅夷耶佛言犯時有比丘男根起異比丘即持自內口中此比丘不以爲樂即却不受生疑我將無犯

隨五

四

波羅夷耶佛言汝不犯彼比丘犯時有乞食比丘晨朝著衣持鉢至白衣家白衣家有小兒男根起比丘即持自內口中已疑我將無犯波羅夷耶佛言犯時有比丘捉餘比丘共行姪彼疑我將無犯波羅夷佛問言汝受樂不荅言受佛言二俱波羅夷時有比丘共沙

彌行姪疑我將無犯耶佛言汝沙彌受樂不荅言受佛言二俱犯時有沙彌捉大比丘共行姪疑佛言比丘汝受樂不荅言受佛言二俱犯時有沙彌與沙彌共行姪疑佛言汝受樂不荅言受佛言二俱犯時有比丘強與比丘共行姪不受樂還出疑佛言汝受樂不荅

言不受佛言汝無犯入者犯時有比丘強捉沙彌行姪不受樂還出彼疑佛言汝沙彌受樂不荅言不受佛言汝不犯入者犯時有沙彌強捉比丘共行姪不受樂還出疑佛言汝受樂不荅言不受樂佛言汝不犯入者犯時有沙彌強捉沙彌行姪不受樂還出疑佛言

隨下

五

汝沙彌受樂不荅言不受樂佛言汝不犯入者犯時有比丘自身根壞無所覺觸彼作是念我不覺觸行姪得無犯彼即行姪已疑佛言汝犯波羅夷時有比丘男根不起念言我行姪無犯即便行姪疑佛言汝犯波羅夷時有比丘作是念我與眠女人行姪彼不覺樂

得無犯即便行姪疑佛言汝犯波羅夷時有比丘作是念與醉女人行姪彼不覺樂得無犯即共行姪疑佛言汝犯波羅夷時有比丘作是念我與顛狂女人行姪彼不覺樂得無犯即便行姪疑佛言汝波羅夷時有比丘作是念我與瞋恚女人行姪彼不受樂得無犯即便行姪疑佛言汝波羅夷時有比丘作是念我與苦痛女人行姪彼不受樂得無犯即便行姪疑佛言汝波羅夷時有比丘作是念我與身根壞女人行姪彼不覺樂得無犯即便行姪疑佛言波羅夷時有比丘作是念我強捉女人共行姪彼不受樂得無犯即

便行姪疑佛言汝波羅夷時有比丘作是念我強捉黃門行姪彼不受樂得無犯即便行姪疑佛言汝波羅夷時有比丘作是念我強捉男子行姪彼不受樂得無犯即便行姪疑佛言汝波羅夷時有女人強捉比丘行姪比丘不受樂還出彼疑佛言比丘汝受樂不答

言不受樂佛言汝不犯時有黃門強捉比丘共行姪疑佛言比丘汝受樂不答言不受佛言汝不犯時有男子強捉比丘共行姪彼不受樂還出疑佛言比丘汝受樂不答言不受樂佛言汝不犯時有惡比丘惡沙彌惡阿蘭若捉比丘大便道若口中行姪彼身受樂還

出疑佛言汝受樂不答言受樂佛言二俱波羅夷時有惡比丘惡沙彌惡阿蘭若捉比丘尼沙彌沙彌尼式叉摩那大小便道口中行姪彼受樂還出疑佛言汝受樂不答言受樂佛言二俱犯時有惡比丘惡沙彌惡阿蘭若捉比丘大便道口中行姪彼不受樂疑佛言

隨五

六

汝比丘受樂不答言不受樂佛言汝不犯彼犯時有惡比丘惡沙彌惡阿蘭若捉比丘尼式叉摩那沙彌沙彌尼大小便道口中行姪彼不受樂還出疑佛言汝沙彌尼受樂不答言不受樂佛言汝不犯彼犯時有惡比丘惡沙彌惡阿蘭若捉眠比丘大便道口中行姪

彼眠不覺覺時亦不知彼疑佛問言汝覺不答言不覺佛言汝不犯彼犯時有惡比丘惡沙彌惡阿蘭若捉眠比丘尼式叉摩那沙彌沙彌尼大小便道口中行姪彼眠不覺覺時亦不知彼疑佛問言汝覺不答言不覺佛言汝不犯彼犯時有惡比丘惡沙彌惡阿蘭若於眠比丘大便道口中行姪彼眠覺不受樂還出彼疑佛言汝受樂不答言不受樂佛言汝不犯入者犯時有惡比丘惡沙彌惡阿蘭若於眠比丘尼式叉摩那沙彌沙彌尼大小便道口中行姪彼眠不覺覺已不受樂疑佛言汝受樂不答言不受樂佛言汝不犯彼入

者犯時有惡比丘惡沙彌惡阿蘭若於眠比丘大便道口中行姪彼眠不覺覺已知受樂還出疑佛言汝受樂不荅言受佛言二俱犯時有惡比丘惡沙彌惡阿蘭若於眠比丘尼式叉摩那沙彌沙彌尼大小便道口中行姪彼眠不覺覺乃知受樂佛言汝受樂不荅言

讀五

七

受樂佛言二俱犯時蓮華色比丘尼晝日不關戶眠賊入屋行姪已去彼眠不覺覺已見不淨汚身彼作是念我身有不淨汚將無有人姪犯我耶疑佛言不犯比丘尼不應晝日不關戶而眠尔時有難陀比丘尼晝日在華樹下衆人戲處有賊捉姪犯彼疑佛言汝難陀受樂不荅言大德如似熱鐵入體佛言無犯比丘尼不應住如是處尔時有乞食比丘晨朝著衣持鉢至白衣家彼門下繫小狗子見比丘便作聲比丘慈愍解放去比丘復往餘處故二見喚共行不淨彼作是念我放他狗子去已犯波羅夷便與故二共行不淨諸

比丘作如是念此比丘爲犯前爲犯後佛言前不犯後犯而不應放他狗子去時有比丘晨朝著衣持鉢往白衣家見有豚子溺水中見比丘便作聲比丘慈愍即出放去復往餘處見故私通女人喚共行不淨彼作是念我放他豚子去已犯波羅夷便共行不淨餘比

丘作是念此比丘爲犯前爲犯後佛言前不犯後犯而不應作如是事時有異女人往屠牛處買肉持行有鷄鳥抄撮其肉在空中失墮乞食比丘鉢中彼女人見之即語言大德此是我肉莫持去比丘荅言墮我鉢中非汝肉持去不還前行見姪女喚此比丘共行不淨彼作是念我向持他肉來已犯波羅夷即共此女人行不淨諸比丘作是念彼比丘爲犯前爲犯後佛言前無犯後犯而不應受如是肉時有比丘於狗口中行姪彼疑佛言波羅夷時有比丘褰衣小便有狗舐小便以漸前含男根彼不受樂即還出便疑佛問言比

丘汝受樂不荅言不受樂佛言不犯時有比丘褰衣小便有狗舐小便復前含男根彼受樂已還出疑佛問言汝受樂不荅言受樂佛言汝波羅夷時有比丘褰衣渡伊羅婆提河有魚含男根彼不受樂還出疑佛問言汝受樂不荅言不受樂佛言不犯時有比丘褰衣

隨五

渡伊羅婆提河有魚含男根彼受樂還出疑佛問言汝受樂不荅言受樂佛言汝波羅夷時有比丘大小便道中間行姪彼疑佛言偷蘭遮在購中曲脚間脇邊乳間腋下耳鼻中瘡孔中繩牀木牀間大小褥間枕邊在地泥揣間君持口中若道想若疑一切偷蘭遮亦

時有乞食比丘晨朝著衣持鉢往白衣家有童女在門內仰卧而睡彼作是念我若男根姪犯入便波羅夷即以足大指內彼女根中疑佛言僧殘時有比丘欠口有異比丘以男根內口中彼不受樂出已疑佛問言汝受樂不荅言不受樂佛言汝不犯入者犯自今已

去若欠時應以手障口時有比丘於浴室中為異比丘揩身此比丘身輒異比丘即生欲心便共行姪彼不受樂還出彼疑佛言汝受樂不荅言不受樂佛言汝無犯彼入者犯尔時世尊在舍衛國有比丘晝日不關戶眠男根起時有衆多女人詣僧坊觀看至彼比丘

屋見比丘仰眠男根起見已慙愧疾疾而出諸女人中有賊女共行賊女入屋即於比丘形上行姪行姪已持華鬘繫男根頭而去彼比丘眠不覺覺已見不淨汚身男根有華鬘將便作如是念乃有不淨汚身男根有華鬘將無有女人於我行姪耶疑佛問言汝覺不荅

隨五

言不覺佛言無犯而不應晝日不關戶而眠時舍衛國有比丘比丘尼母子夏安居母子數數相見既數相見俱生欲心母語兒言汝從此出今還入此可得無犯兒即如母言彼疑佛言波羅夷時有比丘於死女人上行姪彼疑佛言汝波羅夷若多不壞波羅夷若半

壞偷蘭遮若多壞若一切壞偷蘭遮若骨間偷蘭遮尔時蘇卑優婆私語比丘言男根女根俱遮行姪可得無犯比丘即如言行姪已疑佛言波羅夷時有蘇卑優婆私語比丘言汝共我行姪於外出精可得無犯即如言行姪已疑佛言汝波羅夷時有姪女語比丘言

汝以樹葉裹男根行姪可得無犯即如言行姪已疑佛言汝波羅夷尔時比丘在塚間行遙見死女人身猶衣服莊嚴即便行姪已疑佛言汝波羅夷時有比丘守房有小女來白時到比丘即捉姪犯破彼女根與大便道通即便命終彼疑佛問言汝以何心荅言不以

殺心佛言不犯殺犯姪波羅夷時有比丘於木女像身中行姪疑佛言犯偷蘭遮於壁上女像形行姪佛言偷蘭遮時有比丘與天女共行姪已疑佛言波羅夷阿脩羅女龍女夜叉女餓鬼女若畜生女能變化者女行姪一切波羅夷時有比丘晨朝著衣持鉢至白衣

家乞食時天大雨有女人低身除浹潦水形露彼作是念我不觸其身但以男根入得無犯念已即便行姪疑佛言波羅夷

尔時世尊在舍衛國有比丘往阿蘭若處晝日眠時有取薪女人於比丘形上行姪已去比丘不遠而住比丘覺已見身不淨汚念言

此女必於我身上行姪生疑佛問言汝覺不荅言我不覺佛言不犯比丘不應住如是處晝日眠

尔時世尊在婆祇提國有比丘住阿蘭若處晝日眠有擔草女人於比丘形上行姪比丘不覺知已不受樂即却之已打女人比丘疑

隨五

佛問言汝受樂不荅言不受樂佛言汝不犯打女人得突吉羅時世尊在瞻婆國有比丘至阿蘭若處晝日思惟繫念在前此比丘是阿羅漢有風患男根起時有賊女強與比丘共行姪比丘如是語阿羅漢猶有欲男根起耶諸比丘白佛佛言有五事因緣令男根起

大便急小便急風患慰周陵伽垂嚙有欲心是爲五事若阿羅漢有欲心男根起者無有是處尔時世尊在王舍城王子無畏男根有病令女人含之後得差得差已即於此女人口中行姪此女人憂愁不樂便作是念若王瓶沙來時我當覆頭露形在王前住若王問

我言汝狂人耶何故乃作如是我當荅言不狂是王子所須我今覆護何以故王子常於我口中行姪是故覆護後果時王瓶沙往無畏所時女人如先所念於王前如是佳王問言汝狂耶何故如是女荅言我不狂是王子所須是故覆護耳王即喚無畏來語言汝云

何乃於彼女口中行姪耶無畏聞之甚以慙愧後於異時王子無畏言此女人有罪爲著黑衣安置城門邊作如是言若有如是病者當於此姪女口中行姪得差時諸比丘作如是言若爲治病故以男根著彼女人口中含不犯耶佛言波羅夷尔時有城名婆樓越奢

隨五

上

王字海姪女有罪王作是言剝女根兩邊肉以此爲罰即便剝之諸比丘作如是言若於生人骨間行姪爲犯不佛言偷蘭遮尔時世尊在王舍城優波離從坐起偏露右肩右膝著地合掌白佛言大德陀尼伽陶師子取王瓶沙材木不與而取是犯不佛言最

初未制戒不犯復白佛言大德若空處他所守護物若取五錢若過五錢是犯不佛言波羅夷他物他物想若五錢若過五錢不與而取是犯不佛言波羅夷他物疑若取五錢若過五錢是犯不佛言偷蘭遮非他物他物想取五錢若過五錢偷蘭遮非他物疑取五錢若過五錢是犯不佛言偷蘭遮若他物他物想取減五錢是犯不佛言偷蘭遮若他物疑取減五錢是犯不佛言突吉羅非他物他物想取減五錢是犯不佛言突吉羅非他物疑取減五錢是犯不佛言突吉羅若作女想取男物五錢若過五錢是犯不佛言波羅夷若

作男想取女物五錢若過五錢是犯不佛言  
波羅夷若作此女想取餘女物是犯不佛言  
波羅夷若作此男想取餘男物是犯不佛言  
波羅夷余時世尊在波羅奈時世穀貴人民  
飢餓乞食難得時有乞食比丘晨朝著衣持  
鉢往白衣家有女人器盛飯置地已還入屋

比丘看左右不見人作是念我取此食於我  
有益即持而去彼疑佛問言汝以何心取答  
言以盜心取佛言若價直五錢取離本處波  
羅夷麤乾飯魚肉佉闍尼如是一切直五錢  
取離本處波羅夷時有乞食比丘晨朝著衣  
持鉢往白衣家見有銅孟看左右不見人念

言此於我有益即持去有疑佛問言汝以何  
心取答言盜心取佛言若價直五錢取離本  
處波羅夷時有乞食比丘晨朝著衣持鉢往  
白衣家見有方獨坐髡髻看左右不見人念  
言取此於我有益即持去疑佛問言汝以何  
心取答言盜心取佛言若價直五錢取離本

隨五

十二

處波羅夷時有比丘於浣衣處取他衣持去  
疑佛問言汝以何心取答言以盜心取佛言  
直五錢取離本處波羅夷時有比丘去浣衣  
處不遠見有曬貴價衣即憶識而去念言還  
時當取便疑佛問言汝以何心取答言以盜  
心佛言方便求五錢未離本處偷蘭遮時有

乞食比丘晨朝著衣持鉢往白衣家見門屋  
下曬貴價衣以脚轉到看彼疑佛問言汝以  
何心答言以盜心佛言方便求五錢未離本  
處偷蘭遮時有乞食比丘晨朝著衣持鉢往  
白衣家見有獨坐牀看左右不見人自念此  
於我有益即持去便疑佛問言汝以何心取

答言以盜心佛言波羅夷時有乞食比丘晨  
朝著衣持鉢往白衣家見有獨坐牀并衣看  
左右不見人自念此於我有益即持去彼疑  
佛問言汝以何心取答言以盜心取佛言價  
直五錢取離本處波羅夷時有乞食比丘晨  
朝著衣持鉢往白衣家見有獨坐牀暫取用

坐疑佛問言汝以何心取荅言暫取非盜心  
佛言無犯不應不問主而暫取用時有比丘  
取他塔廟中衣疑佛問言汝以何心取荅言  
以糞掃衣取佛言無犯不應取他塔廟中莊  
飾衣時有比丘與賣線人共行彼語比丘言  
長老汝等度關不輸稅今欲以此線託長老

隨五

十三

度關時比丘即爲過之便疑佛言汝以何心  
荅言以盜心佛言價直五錢過關便波羅夷  
時有衆多比丘方便遣一人取他物得五錢  
若過五錢彼疑佛言一切波羅夷時有衆多  
比丘方便遣一人取他物中有疑者而不遮  
即往取物得五錢若過五錢彼疑佛言一切  
波羅夷時衆多比丘方便遣一人取他物中  
有疑者即遮彼故往取得五錢若過五錢彼  
疑佛言遮者偷蘭遮不遮者波羅夷時有衆  
多比丘方便遣一人盜他物即往求五錢若  
過五錢得減五錢彼作是念我等得減五錢  
不犯波羅夷佛言依本取物處直五錢波羅

夷時有衆多比丘方便遣一人取五錢若過  
五錢還共分各得減五錢彼作是念我等得  
減五錢不犯波羅夷佛言通作一分盡波羅  
夷時有衆多比丘方便遣一人取他物彼往  
取減五錢來至此得五錢彼作是念我等得  
五錢波羅夷佛言依本取物處偷蘭遮時有

比丘取彼聚落物來入城疑佛言汝以何心  
取荅言盜心佛言取五錢離本處波羅夷時  
有比丘盜他經作是念佛語無價應計紙墨  
直彼疑佛言汝以何心取荅言以盜心取佛  
言取五錢離本處波羅夷時有王家勇健人  
以信樂故從世尊出家有異破戒比丘誘誑  
言長老彼某甲村中多有財物亦有健人而  
汝勝彼今可共往取彼財物即荅言可尔彼  
比丘語已便共去不遠此比丘作如是念我  
信樂出家不應作如是惡事彼破戒比丘於  
異時復來語言今可共往取彼財物荅言我  
不往問言何以故荅言我於汝去後思惟作

是念我不應以信出家而作是事以是故不往復於異時彼破戒比丘往彼村盜他物各各分已作一分送與此比丘此比丘荅言我不須此分我先不作如是言以信出家不應作如是事耶疑佛問言汝以何心即具以因緣白佛佛言無犯先然可彼突吉羅時有比丘

隨五

高

丘欲盜他衣而錯取己衣疑佛言汝偷蘭遮時有比丘盜取他衣并得己衣疑佛言己衣偷蘭遮他衣波羅夷時有比丘他盜取物而奪彼盜者物疑佛言波羅夷時有衆多白衣在塚間脫衣置一處埋死人有糞掃衣比丘謂是糞掃衣即持去諸白衣見已語大德莫

持我衣去彼荅言我謂是糞掃衣即置衣而去疑佛問言汝以何心取荅言以糞掃衣想不以盜心佛言無犯若多有衣聚不應作糞掃衣取時有比丘去塚不遠行遙見多有糞掃衣即聚集而去言還當取餘糞掃衣比丘見謂是糞掃衣即持去彼比丘還不見衣至

寺內見有比丘浣治即語言汝偷我衣犯盜彼荅言我不盜取糞掃衣耳彼疑佛言汝以何心取荅言作糞掃衣取佛言不犯而不應取聚糞掃衣時有居士去塚不遠行遙見有大價糞掃衣即往取置草中而去言還當取與某甲比丘時有糞掃衣比丘見即持去彼

居士還不見衣至寺中見比丘浣治即語言汝盜我衣比丘荅言我不盜汝衣取糞掃衣耳疑佛問言汝以何心取荅言作糞掃衣取佛言無犯而不應取如是處糞掃衣時有牧牛人脫衣置頭前而眠有糞掃衣比丘見謂是死人作是念世尊不聽比丘取完死人衣

隨五

十五

即取死人臂骨打頭彼覺起言大德何故打我也比丘言我謂汝是死人彼牧牛人言汝寧可不別我死生也即打比丘熟手諸比丘白佛佛言不應打死人令破取衣時有衆多小兒脫衣置一處作土堆戲有糞掃衣比丘見即將去諸小兒見語言莫持我衣去比丘

荅言我謂是糞掃衣置而去疑佛問言汝以何心取荅言以糞掃衣取佛言無犯而不應取聚糞掃衣時六群比丘以石蜜誘誑小兒欲將人間賣父母見之即問比丘言大德何所說彼荅言無所說即留小兒而去彼疑佛問言汝以何心荅言盜心佛言直五錢離本

處波羅夷時有比丘盜心倒易他分物籌彼疑佛言舉籌便波羅夷時有比丘盜他分物籌疑佛言直五錢離本處波羅夷時有比丘轉側他籌疑佛言方便取五錢未離本處偷蘭遮時有比丘再盜取物不滿五錢彼作如是念我前後不滿五錢不犯波羅夷佛言前

後滿五錢波羅夷今時去祇桓不遠有居士耕有客比丘見語言此是僧地莫耕彼荅言非僧地我地耳比丘復語言是僧地汝莫耕居士即放耕牛去作如是言我自在地而不得耕也彼客比丘入祇桓問舊比丘有居士去此不遠耕此是誰地荅言是彼居士地舊

比丘言汝何故問也即具說因緣便疑佛問言汝以何心具說因緣佛言汝無犯而不應作如是事時優波離從坐起偏露右肩右膝著地白佛言若作減損意取五錢若過五錢自取若教人取自斷壞若教人斷壞自破若教人破若燒若理若壞色是犯不佛言一切

波羅夷時有比丘分地移他標相疑佛言汝以何心荅言以盜心佛言移標相若直五錢波羅夷今時眾僧園無水荒毀六群比丘決他田水著僧園中疑佛問言汝以何心荅言盜心佛言波羅夷時有比丘有檀越家田無水荒毀彼決他水著檀越田中疑佛言波羅

隨五

十六

夷時有比丘與白衣家有怨彼決他田水棄之令田毀廢彼疑佛言波羅夷時有比丘盜他水彼疑佛言直五錢波羅夷諸比丘疑不敢取渠水泉陂池水佛言若非人所護者不犯時有比丘字旃陀羅有閭諍事有貴價蘇摩國鉢彼以諍事故常懷憂愁作如是語若

有能滅我諍事者當與此鉢時有阿夷頭比丘聰明了了善滅諍事即為彼滅諍已持鉢而去此比丘謂失鉢便行求覓見阿夷手中捉即語言汝偷我鉢彼即荅言我不偷汝鉢汝自有要言若有能滅我諍事者當持此鉢與是故我取耳彼疑佛問言汝以何心取彼

具荅因緣佛言汝不犯而不應受如是物時有比丘字耶輸伽有僧伽梨復有比丘字婆修達多不語輒著入聚落乞食彼謂失衣便行求覓見婆修達多著即便捉之言汝犯盜彼荅言我不盜汝衣以親厚意取耳彼疑佛問言汝以何心荅言以親厚意取非盜心佛

言無犯而不應於非親厚而作親厚意取時有比丘字清淨有僧伽梨有須陀夷比丘不見須陀夷著入聚落乞食主謂失衣便行求覓見須陀夷著即捉語言汝取我衣犯盜彼荅言我不盜借著耳彼疑佛問言汝以何心荅言借著非盜心佛言無犯而不應不問主輒

隨五

十七

著入聚落時有比丘取他梨菓疑佛言直五錢離本處波羅夷閻婆菓波梨婆菓蒲萄種種菓若直五錢一切波羅夷時有比丘揺他梨菓墮欲令損滅佛言直五錢波羅夷若揺墮閻婆菓波梨婆菓蒲萄種種菓欲令損滅一切波羅夷時有比丘盜他胡荻疑佛言直

五錢波羅夷時有比丘盜甘蔗疑佛言直五錢波羅夷時有比丘取他菓疑佛言直五錢波羅夷時有比丘取他蓮華疑佛言直五錢波羅夷鉢頭摩拘頭摩分陀利華直五錢一切波羅夷若復折壞欲損滅他直五錢一切波羅夷時有他守視人及賊與比丘佯闍尼

食比丘作如是意言此非彼食不受諸比丘白佛佛言此即是檀越食聽淨洗手受食之時有比丘取他藕根疑佛言直五錢波羅夷時有比丘在他所守護林中取木疑佛言波羅夷時有比丘盜心無根取他食疑佛言波羅夷時有比丘無根取他食疑佛問言汝以

何心荅言無盜心佛言無犯妄語故波逸提時有比丘遣比丘盜取繩牀彼使比丘謂不盜即為取牀來疑佛言方便教者波羅夷使者不犯時有比丘遣比丘取繩牀彼使謂盜取即取牀來疑佛言取者波羅夷教者無犯時有衆多比丘有與與六群比丘共行六群

比丘作是念前到住處當盜取彼與佛言若在此處盜波羅夷若在道中若至住處盜亦波羅夷時有六群比丘見恒水中有流船作是念我等可盜取此船不勞身手彼疑佛問言汝以何心即具荅因緣佛言但意無犯而不應生如是意有比丘盜取他船從此岸至彼岸疑佛言波羅夷從彼岸至此岸順水若逆水若沉水中若牽著陸地若解他船離處一切波羅夷若方便欲解不離處偷蘭遮時有二比丘往阿夷羅跋提河中浴見貴價衣簾隨水流下一比丘見便言此簾屬我第二比丘言簾中物屬我即共取得貴價衣便疑

隨五

十八

佛言汝以何心荅言糞掃衣想佛言不犯不應取水中糞掃衣時有比丘盜金華鬘疑佛言波羅夷時祇桓中有衆多鳥巢住至後夜鳴喚亂諸坐禪比丘有舊比丘遣守園人除去鳥巢彼於鳥巢中見有金有碎帛持來與舊比丘彼疑佛言鳥獸無用無犯而不應受

如是物時祇桓中有鼠穴比丘使守園人壞於鼠穴中得藥碎帛持來與比丘比丘疑佛言畜生無用無犯而不應受如是物時去寺不遠有村諸鼠往村中取胡桃來在寺內成大聚六群比丘以盜心取食彼疑佛言波羅夷時去祇桓不遠有獵師安機撥捕鹿機中有死鹿六群比丘以盜心取食疑佛言波羅夷時有比丘晝日往阿蘭若處有賊繫牛在樹牛見比丘泣淚比丘慈念便解放去比丘疑佛問言汝以何心荅言以慈心無盜意佛言無犯不應作如是事時有比丘晝日往阿蘭若處有賊縛牛置中比丘左右不見人念